

唐
音
統
籤

丁籤十五韋應物之七

唐音統籤卷

二百二十七

五言古詩七

自尚書郎出爲滁州刺史留別朋友兼示諸

弟

少年不遠仕，秉笏東西京。中歲守淮郡，奉命乃征行。素慙省閣姿，况忝符竹榮。効愚方此始，顧私豈獲并。徘徊親交戀，愴恨昆友情。日暮風雪起，我去子還城。登塗建隼旗，勒駕望承明。雲臺煥中天，龍關轡上征。晨興奉早朝，玉露沾華纓。一朝從此去，服膺理庶氓。皇恩儻歲月，歸復廁群英。

送元錫楊凌

荒林翳山郭積水成秋晦端居意自違况別親與
愛歡筵慊未足離燈悄已對還當掩郡閣佇君方
此會

送楊氏女

永日方感感出門復悠悠女子今有行大江泝輕

舟爾輩况無恃撫念益慈柔幼爲長所育

幼女爲楊氏所

撫育兩別泣不休對此結中腸義往難復留自小關

內訓

言早無恃

事姑貽我憂賴茲託令門仁郵庶無尤

貧儉誠所尚資從豈待周孝恭遵婦道容止順其

猷別離在今晨見爾當何秋居閒始自遣臨感忽
難收歸來視幼女零淚緣纓流

送中弟

秋氣入疎戶離人起晨朝山郡多風雨西樓更蕭
條嗟予淮海老送子關河遙同來不同去沉憂寧
復消

寄別李儋

首戴惠文冠心有決勝籌翩翩四五騎結束向并
州名在相公墓丘山恩未酬妻子不及顧親友安
得留夙昔同文翰交分共綢繆忽在別離札涕淚

一交流遠郡臥殘雨涼氣滿西樓想子臨長路時
當淮海秋

送丘員外還山

長棲白雲表躋訪高齋宿還辭郡邑詎歸泛松江
渌結茅隱蒼嶺伐薪響深谷同是山中人不知往
來躡靈芝非庭草遼鶴匪池鷺終當署里門一表
高陽族

重送丘二十二還臨平山居

歲中始再覲方來又解携纔留野艇語

丹酬別有
麻水降塵

幢野艇禮
容膝之句

已憶故山棲幽澗人夜汲深林鳥長啼

還持郡齋酒慰此霜露妻

送鄭端公弟移院常州

時瞻憲臣重禮爲內兄全公程儻見責私愛信不
憊况咎陪朝列今茲俱海濤清觴方對酌天書忽
告遷豈徒咫尺地使我心思綿應當自此始歸拜
雲臺前

送陸侍御還越

君藩久不樂遇子聊一欣英聲頗籍甚交辟迺時
珍繡衣過舊里驄馬輝四鄰敬恭尊郡守賤簡具
州民謬忝誠所媿思懷方見申置榻宿清夜加遷

燕良辰遵塗還盛府行舫遶長津自有賢方伯得此文翰賔

送崔叔清遊越

忘茲適越意愛我郡齋幽野情豈好謁詩興一相留遠水帶寒樹闔門望去舟方伯憐文士無爲成滯遊

送雲陽鄒儒立少府侍奉還京師

建中卽藩守天寶爲侍臣歷觀兩都士多閱諸侯人鄒生乃後來英俊亦罕倫爲文頗瓌麗稟度自貞醇甲科推令名延閣播芳塵再命趨王畿請告

奉慈親一鍾信榮祿可以展歡忻昆弟俱時秀長
衢當自伸聊從郡閣暇美此時景新方將極娛宴
已復及離辰省署慙再入江海綿十春今日閭門
路握手子歸秦

送豆盧策秀才

歲交冰未尤地卑海氣昏子有京師遊始發吳閶
門新黃含遠林微綠生陳根詩人感時節行道當
憂煩古來濩落者俱不事田園又如金石韻豈乏
知音言方辭郡齋榻已酌離亭尊無爲倦羈旅一
去高飛翻

送劉評事

聲華滿京洛，藻翰發陽春。未遂鴻舉尚爲江海
賓，吳中高宴罷西上一遊秦。已想函關道遊子，冒
風塵籠禽羨歸翼。遠守懷交親，况復歲云暮。凜凜
冰霜辰，旭霽開鄴閣。龍餞集文人，洞庭摘朱實。松
江獻白鱗，丈夫豈恨別。一酌且歡忻。

送雷監赴關庭

才大無不備，出入爲時須。雄藩精理行，祕府擢文
儒。詔書忽已至，焉得久踟躕。方舟赴朝謁，觀者盈
路衢。廣筵列衆賓，送爵無停迂。攀餞誠愴恨，賀榮

且歡娛長陪柏梁宴日向丹墀趨時方重右職騰
跼獨海隅

南池宴餞子辛賦得科斗

熙寧校本補
又見岑參集

臨池見科斗美爾樂有餘不憂網與釣幸得免爲
魚且願充文字登君尺素書

傷逝

此後數逝哀傷十九首盡同
德精舍舊居傷懷時所作

染白一爲黑焚木盡成灰念我室中人遊去亦不
迴結髮二十載履敬如始來提携屬時屯契闊憂
患災柔素亮爲表禮章夙所該任公不及私百事
委令才一旦入閨門四壁滿塵埃斯人旣已矣觸

物但傷摧單居移時節泣涕撫嬰孩知妄謂當遣
臨感要難裁夢想忽如睹驚起復徘徊此心良無
已遠崖生蒿萊

往富平傷懷

晨起凌巖霜慟哭臨素帷駕言百里塗惻愴復何
爲昨者仕公府屬城常載馳出門無所憂返室亦
熙熙今者掩筠扉但聞童稚悲丈夫須出入顧爾
內無依銜恨已酸骨何況苦寒時單車路蕭條迴
首長透遲飄風忽截野嘹唳鴈起飛昔時同往路
獨往今詎知

素經刀尺收此還我家將還復愁惕永絕携手歡
空存舊行迹冥冥獨無語杳杳將何適唯思今古
同時緩傷與戚

夏日

已謂心苦傷如何日方永無人不晝寢獨坐山中
靜悟澹將遺慮學空庶遺境積俗易爲侵愁來復
難整

端居感懷

沉沉積素抱婉婉屬之子永日獨無言忽驚振衣
起方如在幃室復悟永終已稚子傷恩絕盛時若

唐書續錄
流水暄涼同寡趣
朗晦俱無理
寂性常喻人
滯情
今在已空房
欲云暮巢鷺亦來止
夏木遽成陰
綠苔誰復履
感至竟何方
幽獨長如此

悲純扇

非關秋節至
詎是恩情改
掩嚙人已無
委篋涼空
在何言
永不覺
精使銷光彩

閒齋對雨

幽獨自盈抱
陰淡亦連朝
空齋對高樹
疎雨共蕭條
巢鷺翻泥濕
蕙花依砌消
端居念往事
倏忽苦
驚感

林園晚霽

雨歇見青山，落日照林園。
山夕烟鳥亂，林清風景翻。
提携唯子弟，蕭散在琴言。
同遊不同意，耿耿獨傷魂。
寂寞鐘已盡，如何還入門。

秋夜二首

庭樹轉蕭蕭，陰蟲還戚戚。
獨向高齋眠，夜聞寒雨滴。
微風時動牖，殘燈尚留壁。
惆悵平生懷，偏來委今夕。

霜露已凄漫，星漢復昭回。
朔風中夜起，驚鴻千里來。
蕭條涼葉下，寂寞清砧哀。
歲晏仰空宇，心事若

寒灰

感夢

歲月轉蕪漫形影長寂寥
髮髯觀微夢感歎起中宵
綿思雷流月驚魂颯颯颺
誰念茲夕永坐令顏鬢彫

同德精舍舊居傷懷

洛京十載別東林訪舊屏山河不可望
存歿意多違時遷跡尚在同去獨來歸
還見窓中鶴日暮遶庭飛

悲故交

白壁衆求瑕素絲易成汗萬里顛沛還高堂已長
暮積憤方盈抱纏哀忽逾度念子從此終黃泉竟
誰訴一爲時事感豈獨平生故唯見荒丘原野草
塗朝露

張彭州前與緱氏馮少府各惠寄一編多故
未荅張已云歿因追哀叙事兼遠簡馮生

君昔掌文翰西垣復石渠朱衣乘白馬輝光照里
閭余時忝南省接燕媿空虛一別守茲郡蹉跎歲
再除常懷關河表永日簡牘餘郡中有方塘涼閣
對紅蕖金玉蒙遠貺篇詠見吹噓未荅平生意已

歿九原居秋風吹寢門長慟涕漣如覆視緘中字
奄爲昔人書髮鬢已云白交友日彫踈馮生遠同
恨憔悴在田廬

東林精舍見故殿中鄭侍御題詩追舊書情
涕泗橫集因寄呈閩澧州馮少府

仲月景氣佳東林一登歷中有故人詩淒涼在高
燈精思長懸世音容已歸寂墨澤傳灑餘磨滅親
翰跡平生忽如夢百事皆成昔結騎京華年揮文
篋竒積朝廷重英彥時輩分珪璧永謝栢梁陪獨
闕金門籍方嬰存歿感豈暇林泉適雨餘山景寒

風散花光夕新知雖滿堂故情誰能覩唯當同時
友緘寄空悽感

至開化里壽春公故宅

寧知府中吏故宅一徘徊歷階存往敬瞻位泣餘
哀廢井沒荒草陰牖生綠苔門前車馬散非復昔
時來

丁籤十五韋應物之八

唐音統籤卷

二百二十八

七言古詩

驪山行

君不見開元至化番衣裳厭坐明堂朝萬方訪道
靈山降聖祖沐浴華池集百祥千乘萬騎被原野
雲霞草木相輝光禁仗圍山曉霜切離宮積翠夜
漏長玉階寂歷朝無事碧樹歲寒更芳三清小
鳥傳仙語九華真人奉瓊漿下元昧爽徧恒秩登
山朝禮玄元室翠華稍隱天半雲丹閣先明海中
日羽旄旄節憩瑤臺清絲妙管從空來萬井九衢

皆仰望彩雲白鶴方徘徊憑高覽古嗟寰宇造化
茫茫思悠哉秦川八水長繚繞漢氏五陵空崔嵬
乃言聖祖奉丹經以年爲日億萬齡蒼生感壽陰
陽泰高謝前王出塵外英靈共理天下晏戎夷誓
伏兵無戰時豐賦歛未告勞海闊珍奇亦來獻于
戈一起文武乖歡娛已極人事變聖皇弓劍墜幽
泉古木蒼山閉宮殿纘承鴻業聖明君威震六合
驅妖氛太平遊幸今可待湯泉嵐嶺還氛氲

溫泉行

出身天寶今年幾頑鈍如鏡命如紙作官不了却

來歸還是杜陵一男子北風慘慘投溫泉忽憶先
皇遊幸年身騎廐馬引天仗直入華清列御前五
林瑤雪滿寒山上昇玄閣遊絳煙平明羽衛朝萬
國車馬合沓溢四鄠蒙恩每浴華池水扈獵不蹂
渭北田朝廷無事共歡燕美人絲管從九天一朝
鑄鼎降龍馭小臣髯絕不得去今來蕭瑟萬井空
唯見蒼山起煙霧可憐踴躍失風波仰天大叫無
奈何樊裘羸馬凍欲死賴遇主人杯酒多

白沙亭逢吳叟歌

龍池宮裏上皇時羅衫寶帶香風吹滿朝豪士今

已盡欲話舊遊人不知白沙亭上逢吳叟愛客脫
衣且沽酒問之執戟亦先朝零落艱難却負樵親
觀文物蒙雨露見我昔年侍丹霄冬狩春祠無一
事歡遊洽宴多頒賜嘗陪夕月竹宮齋每返溫泉
灞陵醉星歲再周十二辰爾來不語今爲君盛時
忽去良可恨一生坎壈何足云

鳶奪巢

野鵲野鵲巢林梢鳩鳶恃力奪鵲巢吞鵲之肝啄
鵲腦竊食偷居常自保鳳凰五色百鳥尊知鳶爲
害何不言霜鷗野鷗得殘肉同啄羶腥不肯逐可

憐百鳥生縱橫雖有深林何處宿

長短句

漢武帝雜歌三首

漢武好神仙黃金作臺與天近王母摘桃海上還
感之西過聊問訊欲來不來夜未央殿前青鳥先
迴翔綠鬢紫雲裾曳霧雙節飄飄下仙步白日分
明到世間碧空何處來時路玉盤捧桃將獻君脚
躡未去留彩雲海水桑田幾翻覆中間此桃四五
熟可憐穆滿瑤池燕正值花開不得薦花開子熟
安可期邂逅能當漢武時顏如芳華潔如玉心念

我皇多嗜欲雖留桃核桃有靈人間糞土種不生
由來在道豈在藥徒勞方士海上行掩扇一言相
謝去如煙非煙不知處

金莖孤峙芳凌紫煙漢宮美人望杳然通天臺上
月初出承露盤中珠正圓珠可飲壽可永武皇南
面矚欲分從空下來玉杯冷世間綵翠亦作囊人
月一日仙人方仙方稱上藥靜者服之常綽約栢
梁沉飲自傷神猶聞駐顏七十春乃知其醲皆是
腐腸物獨有淡薄之水能益人千載金盤竟何處
當時鑄金恐不固蔓草生來春復秋碧天何言空

墜露

漢天子觀風自南國浮舟大江屹不前蛟龍索闢
風波黑春秋方壯雄武才擊孤叱浪連山開愕然
觀者千萬衆舉麾齊呼一矢中死蛟浮出不復靈
舳艫千里江水清鼓聲餘響數日在天吳深入魚
鼈驚左有飲飛落霜翮右有孤兒貫犀革何爲臨
深親射蛟示威以奪諸侯魄威可畏皇可尊平田
校獵書猶陳此日從臣何不言獨有威聲振千古
君不見後嗣尊爲武

王母歌

衆仙異神母羽蓋隨雲起上遊玄極杳冥中下看
東海一杯水海畔種桃經幾時千年開花千年子
玉顏眇眇何處尋世上茫茫人自死

馬明生遇神女歌

學仙貴功亦貴精神女變化感馬生石壁千尋啓
雙檢中有玉牀鋪玉簾立之一隅不與言玉體安
穩三日眠馬生一立心轉堅知其丹白蒙哀憐安
期先生來起居請示金鐫玉珮天皇書神女呵責
不合見仙子謝過手足戰大瓜玄棗冷如冰海上
摘來朝霞凝賜仙復坐對食訖領之使去隨煙升

乃言馬生合不死少姑教勅令付爾安期再拜將
生出一授素書天地畢

萼綠華歌

有一人兮昇紫霞書名玉牒兮萼綠華仙容嬌嬌
兮雜瑤珮輕衣重重兮蒙絳紗雲雨愁思兮望淮
海鼓吹蕭條兮駕龍車世滯濁兮不可降胡不來
兮玉斧家

龍頭山神女歌

補

龍頭之山直上洞庭連青天蒼蒼煙樹閉古廟中
有蛾眉成水仙水府沉沉行路絕蛟龍出沒無時

節魂同魍魎潛太陰身與空山長不滅東晉永和
今幾代雲髮素顏猶眈眈陰深靈氣靜疑美的隙
龍綃雜瓊珮山精水魅不敢親昏明想像如有人
蕙闌瓊芳積煙露碧窓松月無冬春舟客經過奠
椒醕巫女南音歌激楚碧水冥空唯鳥飛長天何
處雲隨雨紅蕖綠蘋芳意多玉靈蕩漾凌清波孤
峰絕島儼相向鬼嘯猿垂垂女蘿皓雪瓊林殊異
色北方絕代徒傾國雲沒煙銷不可期明堂翡翠
無人得精靈變態狀無方遊龍宛轉驚鴻翔湘妃
獨立九疑暮漢女菱歌春日長始知仙事無不有

可惜吳宮空白首

金谷園歌

石氏滅金谷園中水流絕當時豪右爭騁侈錦爲
步障四十里東風吹花雪滿川紫氣凝閣朝景妍
洛陽陌上人回首絲竹飄飄入青天晉武平吳恣
歡燕餘風靡靡朝廷變嗣世衰微誰肯憂二十四
友日日空追遊追遊詎可足共惜年華促禍端一
發埋恨長百草無情春自綠

夏冰歌

出自玄泉杳杳之深井汲在朱明赫赫之炎辰九

天宮露未銷，鑠闔闔初開。賜貴人碎如墜瓊，方截
露粉壁生寒象。筵布玉壺，紈扇亦玲瓏。座有麗人
色俱素，咫尺炎涼變。四時出門焦灼，君詎知肥羊
其醴。心悶悶飲此瑩然，何所思。當念闕于鑿者苦
臘月深井汗如雨。

信州錄事叅軍常督古鼎歌

三年糾一郡，獨飲寒泉井。江南鑄器多，鑄銀罷官
無物唯古鼎。雕螭刻篆相錯，蟠地中歲久青苔寒。
左對蒼山右流水，云有古來葛仙子。葛仙埋之何
不還，耕者鎗然得其間。持示世人不知寶，勸君鍊

丹永壽考

石鼓歌

周宣大獵兮岐之陽刻石表功兮焯焯煌煌石如鼓
形數止十風雨缺訛苔蘚澁今人濡紙脫其文旣
擊旣埽白黑分忽開滿卷不可識驚潛動蟄走云
云喘急逶迤目斗錯乃是宣王之臣史籀作一書
遺此天地間精意長存世冥冥秦家祖龍還刻石
碣石之罘李斯跡世人好古猶法傳持來比此殊
懸隔

搜欄蠅拂歌

機澗爲拂登君席青蠅掩亂飛四壁文如輕羅散
如髮馬尾鼈牛不能絜柄出湘江之竹碧玉寒上
有織羅縈縷尋未絕左揮右灑繁暑清孤松一枝
風有聲麗人紈素可憐色安能點白還爲黑

寇季膺古刀歌

補

古刀寒鋒青槭槭少年結交平陵客求之時代不
可知千痕萬穴如星離重叠泥沙更剝落縱橫鱗
甲相參差古物有靈知所適貂裘拂之橫廣席陰
森白日掩雲虹錯落清光動金碧知君寶此誇絕
代求之不得心常愛厭見今時繞指柔片鋒折刃

猶堪珮高山成谷滄海填英豪埋沒誰所捐吳鉞
斷馬不知處幾度煙塵今獨全夜光投人人不畏
知君獨識精靈器酬恩結思心自知死生好惡不
相棄白虎司秋金氣清高天寥落雲崢嶸月肅風
淒古堂淨精芒切切如有聲何不跨蓬萊斬長鯨
世人所好殊遼濶千金買鉛徒一割

彈碁歌

圓天方地局二十四氣子劉生絕藝難對曹客爲
歌其能請從中央起中央轉闔破欲闢零落勢昔
誰能彈此中舉一得六七旋風忽散霹靂疾履機

乘變安可當置之死地翻取強不見短兵反掌收
已盡唯有猛士守四方四方又何難橫擊上緣邊
豈如昆明與碣石一箭飛中隔遠天神安志慙動
十全滿堂驚視誰得然

寶觀主白鶴鵠歌

鸚鵡鸚鵡鵠衆皆如漆爾獨如玉鸚之鵠之衆皆蓬

蒿下爾自三山來

音黎

三山處子下人間綽約不粧

冰雪顏仙鳥隨飛來掌上來掌上時拂拭人心鳥
意自無猜玉指霜毛本同色有時一去凌蒼蒼朝
遊汗漫暮玉堂巫峽雨中飛暫濕杏花林裏過來

香日夕依人全羽翼空欲銜環非報德豈不及阿
母之家青鳥兒漢官來往傳消息

送褚校書歸舊山歌

握珠不返泉匣玉不歸山明皇重士亦如此忽得
褚生何得還方稱羽獵賦未拜蘭臺職漢篋亡書
已暗傳蒿丘遺簡還能識朝朝待詔青鑲闕中有
萬年之樹蓬萊池世人仰望棲此地生獨徘徊意
何爲故山可往薇可採一自人間星歲改藏書壁
中苔半侵洗藥泉中月還在春風飲餞灞陵原莫
厭歸來朝市喧不見東方朔避世從容金馬門

古劍行

千年土中兩刃鐵，土蝕不入金星滅。沉沉青脊鱗，
甲滿蛟龍無足蛇。尾斷忽欲動，中有靈豪士。得之
敵國寶，仇家舉意半夜鳴。小兒女子不可近，龍蛇
變化此中隱。夏雲奔走雷闐闐，恐成霹靂飛上天。

五弦行

美人爲我彈五弦，塵埃忽靜心悄然。古刀幽磬初
相觸，千珠貫斷落寒玉。中曲又不喧，徘徊夜長月
當軒。如伴流風縈艷雪，更逐落花飄御園。獨鳳寡
寥有時隱，碧霄來下聽。還近燕姬有恨，楚客愁言。

之不盡聲能盡末曲感我情解幽釋結和樂生壯
士有仇未得報拔劍欲去憤已平夜寒酒多愁遠
明

鞞鼓行

淮海生雲暮慘澹廣陵城頭鞞鼓暗寒聲坎坎風
動邊忽似孤城萬里絕四望無人煙又如虜騎截
遼水胡馬不食仰朔天座中亦有燕趙士聞鞞不
語客心死何況鰥孤火絕無晨炊獨婦夜泣官有
期

橫塘行

妾家住橫塘夫婿鄰家郎玉盤的歷矢白魚湘簾
玲瓏透象牀象牀可寢魚可食不知郎意何南北
岸上種蓮豈得生池中種橙豈得成丈夫一去花
落樹妾獨長夜心未平

酒肆行

豪家沽酒長安陌一旦起樓高百尺碧疏玲瓏舍
春風銀題綵幟邀上客迴瞻丹鳳闕直視樂遊苑
四方稱賞名已高五陵車馬無近遠晴景悠揚三
月天桃花飄俎柳垂筵繁絲急管一時合他壚隣
肆何寂然主人無厭且專利百斛須臾一壺費初

釀厚薄爲大偷飲者知名不知味
深門潛醞客來稀終歲醇釀味不移
長安酒徒空搜搜路旁過去那得知

長安道

漢家宮闕含雲烟兩宮十里相連延晨霞出沒弄
丹闕春雨依微自甘泉春雨依微春尚早長安貴
遊愛芳草寶馬橫來下建章香連却轉避馳道貴
遊誰最貴衛霍世難比何能蒙主恩幸遇邊塵起
歸來甲第世皇居朱門峨峨臨九衢中有流蘇合
歡之寶帳一百二十鳳凰羅列含明珠下有錦鋪

翠被之紫爛博山吐香五雲散麗人綺閣情飄飄
頭上鴛鴦菱翠翹低鬟曳袖迴春雪聚黛一聲愁
碧霄山珍海錯弃藩籬烹鱖魚羔如折葵既請列
侯封部曲還將金印授盧兒歡榮若此何所苦但
苦白日西南馳

調嘯詞二首

胡馬胡馬遠放燕支山下跑沙跑雪獨嘶東望西
望路迷迷路迷路邊草無窮日暮

河漢河漢曉掛秋城漫漫愁人起望相思江南寒
北別離離別離別河漢離同路絕

丁籤十五韋應物之九

唐音統籤卷

二十九

五言律詩

陪元侍御春遊

何處醉春風
長安西復東
不因俱罷職
豈得此時
同貫酒
宣平里
尋芳下苑中
往來楊柳陌
猶避昔
年驄

陪王郎中尋孔徵君

紹興本據顧
陶編詩補

俗吏閒居少
同人會面難
偶隨香署客
來訪竹林
歡暮館花微
落春城雨暫
寒
甕間聊共酌
莫使宦

情關

淮上喜會梁川故人

江漢曾爲客相逢每醉還
浮雲一別後流水十年
間歡笑情如舊蕭疎鬢已斑
何因不歸去淮上對
秋山

揚州偶會前洛陽盧耿主簿

應物頃或洛陽常有連騎之遊

楚塞故人稀相逢本不期
猶存袖裏字忽恠鬢中
絲客舍盈樽酒江行滿篋詩
更能連騎出還似洛
橋時

淮上遇洛陽李主簿

結茅臨古渡聞見長淮流
牕裏人將老門前樹已

秋寒山獨過鴈暮雨遠來舟日夕逢歸客那能忘
舊遊

月夜會徐十一草堂

空齋無一事岸幘故人期暫輟觀書夜還題說月
詩遠鐘高枕後清露卷簾時暗覺新秋近殘河欲
曙遲

夜偶詩客操公作

塵襟一蕭灑清夜得禪公遠自鶴林寺了知人世
空驚禽翻暗葉流水注幽叢多謝非玄度聊將詩
興同

酬秦徵君春日撫州西亭野望兼寄徐少府

補

終日愧無政與君聊散襟
城根山半腹亭影水中
心朗詠竹窻靜野情花
逕深那能有餘興不作
剡溪尋

酬豆盧倉曹題庫壁見示

掾局勞才子新詩動洛川
運籌知決勝聚米似論
邊宴罷常分騎晨趨又
比肩莫嗟年鬢改郎署
定推先

寄酬李博士永寧主簿叔廳見待

解鞅先幾日款曲見新詩定向公堂醉遙憐獨去
時葉霑寒雨落鐘度遠山遲晨策已云整當同林
下期

奉和張大夫戲示青山郎

天生逸世姿竹馬不曾騎覽卷冰將釋授毫露欲
垂金貂傳幾葉玉樹長新枝榮祿何妨早甘羅亦
小兒

期廬嵩枉書稱日暮無馬不赴以詩荅

佳期不可失終願枉衡門南陌人猶度西林日未
昏庭前空倚杖花裏獨留尊莫道無來駕知君有

短轅

任洛陽丞荅前長安田少府問

相逢且對酒相問欲何如
數歲猶卑吏家人笑著
書告歸應未得榮宦又知踈
日日生春草空令憶
舊居

荅史館張學士同柳庶子學士集賢院看花
見寄兼呈柳學士

班揚秉文史對院自爲隣
餘香掩閣去遲目看花
頻似雪亂開闔從風點
近臣南宮有芳樹不並禁
垣春

對韓少尹所贈硯有懷

故人謫遐遠留硯寵斯文
白水浮香墨清池滿夏
雲念離心已永感物思徒紛
未有桂陽使裁書一
報君

趨府候曉呈兩縣僚友

趨府不遑安中宵出戶看
滿天星尚在近壁燭仍
殘立馬頻驚曙垂簾却避寒
可憐同宦者應悟下
流難

假中對雨呈縣中僚友

卻足甘爲笑閒居夢杜陵
殘鶯知夏淺社雨報年

登流麥非關忘收書獨不能自然憂曠職緘此謝
良朋

將發楚州經寶應縣訪李二忽於州館相遇
月下書事因簡李寶應

孤舟欲夜發秣爲訪情人此地忽相遇留連意更
新停杯嗟別久對月謠家貧一問臨邛令如何待
上賓

贈蕭河南

厭劇辭京縣褒賢待詔書鄩侯方繼業潘令且開
居齋後三川冷秋深萬木疎對琴無一事新興復

何如

對雨贈李主簿高秀才

邈迤曙雲薄，散漫東風來。
青山澗春野，微雨灑輕埃。
吏局勞佳士，賓筵得上才。
終朝狎文墨，高興共徘徊。

贈崔員外

一別十年事，相逢淮海濱。
還思洛陽日，更話府中人。
且對清觴滿，寧知白髮新。
忽忽何處去，車馬冒風塵。

示從子河南尉班

并序

永泰中余任洛陽丞以撲扶軍騎時從子河南
尉班亦以剛直爲政俱見訟于居守因詩示意
府縣好我者
豈曠斯文

拙直余恒守公方爾所存同古朱烏尅俱起小人
言立政思懸棒謀身類觸藩不能林下去祇戀府
廷恩

早春對雪寄前殿中元侍御

掃雪開幽徑端居望故人猶殘臘月酒更值早梅
春幾日東城陌何時曲水濱聞閒且共賞莫待續
衣新

寄洪州幕府盧二十一侍御

自南昌令拜
項同官洛陽

忽報南昌令乘驄入郡城同時趨府客此日望塵
迎文苑臺中妙水壺幕下清洛陽相去遠猶使故
林榮

雪中聞李脩過門不訪聊以寄贈

度門能不訪冒雪屢西東已想人如玉遙憐馬似
驄乍迷金谷路稍變上陽宮還比相思意紛紛正
滿空

李五席送李主簿歸西臺

請告嚴程盡西歸道路寒欲陪鷹隼集猶戀鶴鶴
單洛邑人全少嵩高雪尚殘滿臺誰不故報我在

微官

送宣城路錄事

江上宣城郡孤舟達到時
雲林謝家宅山水敬亭
祠綱紀多閒日觀遊得賦詩都門且盡醉此別數
年期

送李二歸楚州

時李季弟收楚州被訟赴急

情人南楚別復詠在原詩
忽此嗟岐路還令泣素
絲風波朝夕遠音信往來遲
好去扁舟客青雲何處期

送元倉曹歸廣陵

官閒得去住告別戀音微舊國應無業他鄉到是

歸

劉辰翁云他人幾許造次能道

楚山明月滿淮甸夜鐘微何處

孤舟泊遙遙心曲違

送唐明府赴溧水

三任縣事

三爲百里宰已過十餘年
稅歎官如舊旋聞邑屢
遷魚鹽濱海利蓋蔗傍湖田
到此安昨俗琴堂又

晏然

送張侍御祕書江左覲省

莫歎都門路歸無駟馬車
繡衣猶在篋芸閣已觀
書沃野收紅稻長江釣白魚
晨飡亦可薦名利欲

何如

送榆次林明府

無嗟千里遠亦是宰王畿策馬雨中去逢人關外

稀劉辰翁云此

邑傳榆右在路連晉山微

無一句不合此

句尤極清潤

別思方蕭索新秋一葉飛

送黎六郎赴陽翟少府

試吏向嵩陽春山躑躅芳腰垂新綬色衣滿舊芸

香喬樹別時綠客程關外長祗應傳善政日夕慰

高堂

送別覃孝廉

思親自當去不第未蹉跎家住青山下門前芳草

多

劉辰翁云類以爲幽致不可笑誰家門前無此

秭歸通遠徼巫峽注

驚波

却是

州舉年年事還期復幾何

送開封盧少府

雄藩車馬地作尉有光輝滿席賓常侍闕街燭夜
歸關河征旆遠烟樹夕陽微到處無留滯梁園花
欲稀

送槐廣落第歸揚州

下第常稱屈少年心獨輕拜親歸海畔似舅得詩
名晚對青山別遙尋芳草行還期應不遠寒露濕

蕪城

送汾城王主簿

少年初帶印汾上又經過芳草歸時徧情人故郡
多禁鐘暮雨細宮樹野烟和相望東橋別微風起
夕波

送灑池崔主簿

邑帶洛陽道年年應此行當時匹馬客今日縣人
迎暮雨投關郡春風別帝城東西殊不遠朝夕待
佳聲

送顏司議使蜀訪圖書

輶駕一封急蜀門，千嶺曠詎分江轉字。但見路緣
雲山館，夜聽雨秋後。獨叫群無爲，久留滯聖主。待
遺文。

奉送從兄宰晉陵

東郊暮草歇千里，夏雲生立馬愁將夕。看山獨送
行，依微吳苑樹。迢遞晉陵城，慰此斷行別。邑人多
頌聲。

送五經趙隨登科授廣德尉

明經有清秩，當在右渠中。獨往宣城郡，高齋謁謝
公。寒原正蕪漫，夕鳥自西東。秋日不堪別，淒淒多

朔風

賦得鼎門送盧耿赴任

名因定鼎地門對鑿龍山水北樓臺近城南車馬
還稍開芳野靜欲掩暮鐘閒去此無嗟屈前賢尚

抱關

賦得浮雲起離色送鄭述誠

遊子欲言去浮雲那得知偏能見行色自是獨傷
離晚帶城遙暗秋生峯尚奇還因朔吹斷匹馬與
相隨

賦得暮雨送李曹

楚江微雨裏建業暮鐘時漠漠帆來重冥冥鳥去
遲海門深不見浦樹遠含滋相送情無限沾襟比
散絲

同李二過亡友鄭子故第

李典之故
非予所識

客車名未滅沒世恨應長斜月知何照幽林判自
芳故人驚逝水寒雀噪空墻不是平生舊遺蹤要
可傷

夏花明

夏條綠已密朱萼綴明鮮炎烈日正午灼灼火俱
燃翻風適自亂照水復成妍歸視窓間字熒煌滿

眼前

夜對流螢作

月暗竹亭幽，螢光拂席流。
還思故園夜，更度一年秋。
自慙觀書興，何忍秉燭遊。
府中徒冉冉，明發好歸休。

謙徐正字書青澗

熙寧校本補

誤黷能成物，迷真許一時。
筆端來已久，座上去何遲。
願白曾無變，聽雞不復疑。
詎勞才子賞，爲入國人詩。

五言排律

送崔押衙相州

與任內
貴令

禮樂備家子英豪燕趙風
驥難嘗理邑走馬却從
戎白刃千夫關黃金四海同

劉辰翁云
甚有氣味

嫖姚恩顧

下諸將指揮中別路憐芳草
歸心伴塞鴻鄴城新
騎滿飄帶舊臺空望關應懷戀
遭時貴立功萬方
如已靜何處徵輸忠

七言律詩

燕李錄事

與君十五侍皇闈曉拂爐煙上
赤墀花開漢苑經
過處雪下驪山沐浴時
近臣零落今誰在仙駕飄

唐音類編
飄不可期此日相逢思舊日一杯成喜又成悲

紫閣東林居士叔緘賜松英九捧對欣喜
非塵侶之所當服輒獻詩代啓

碧澗蒼松五粒稀侵雲采去露沾衣夜啓群仙合
靈藥朝思俗侶寄將歸道場齋戒今初服人事
羶已覺非一望嵐峯拜還使腰間銅印與心違

假中在廬二十二書亦稱卧疾兼訝李二久
不訪問以詩荅書因以戲李二

微官何事勞趨走服藥閒眠養不才花裏棋盤憎
鳥污枕邊書卷訝風開故人問訊緣同病芳月相

思阻一杯應笑王戎成俗物遙持塵尾獨徘徊

贈王侍御

心同野鶴與塵遠詩似冰壺見底清府縣同趨昨日事并況不改故人情上陽秋晚蕭蕭雨洛水寒來夜夜聲自歎猶爲折腰吏可憐驄馬路傍行

自鞏洛舟行入黃河卽事寄府縣僚友

夾水蒼山路向東東南山豁大河通寒樹依微遠天外夕陽明滅亂流中孤村幾歲臨伊岸一鴈初晴下朔風爲報洛橋遊宦侶扁舟不繫與心同

寓居禮上精舍寄于張二舍人

萬木叢雲出香閣西連碧澗竹林園高齋獨宿遠
山曙微霰下庭寒雀喧道心淡泊對流水生事蕭
疎空掩門時憶故交那得見曉排闥闔奉明恩

寄李儋元錫

去年花裏逢君別今日花開已一年世事茫茫難
自料春愁黯黯獨成眠身多疾病思田里邑有流
亡愧俸錢若溪云士君子當以此切切存心彼一
意供租歛事聲譽視民漠如者得無愧
此王元美云語意自佳聞道欲來相問訊西樓
子鱗乃深惡之未敢從也

望月幾迴圓

送章八元秀才擢第往上都應制

決勝文場戰已酣，行應辟命復才堪。
旅食不辭遊闕下，春衣未換報江南。
天邊宿鳥生歸思，關外晴山滿夕嵐。
立馬欲從何處別，都門楊柳正毵毵。

送常侍御却使西蕃

歸奏聖朝行萬里，却銜天詔報蕃臣。
本是諸生守文墨，今將匹馬靜烟塵。
旅宿關河逢暮雨，春耕亭郭識遺民。
此去多應收故地，寧辭沙塞往來頻。